

Univerzitet u Sarajevu
Farmaceutski fakultet

Na osnovu čl. 103. stav 1. Zakona o visokom obrazovanju Kantona Sarajevo („Sl. Novine KS“, br:33/17), čl.162. stav 1. Statuta Univerziteta u Sarajevu, Odluke Senata br. 01-5783/17 od 27.09.2017.godine i odluke Nastavno-naučnog vijeća Farmaceutskog fakulteta Univerziteta u Sarajevu br. 0101-2188/17.godine od 14.07.2017.godine, Dekan Farmaceutskog fakulteta Univerziteta u Sarajevu dana **06.10.2017.godine** raspisuje

K O N K U R S
za izbor akademskog osoblja na Farmaceutskom fakultetu Univerziteta u Sarajevu

Raspisuje se konkurs za izbor na puno radno vrijeme:

1. Nastavnik u sva zvanja na nastavnom predmetu **Anorganska hemija** -1 izvršilac

U skladu s članom 96. Zakona o visokom obrazovanju Kantona Sarajevo i člana 156. Statuta Univerziteta u Sarajevu uslovi za izbor u zvanje:

- a) docent: naučni stepen doktora u datoj oblasti, najmanje tri naučna rada objavljena u priznatim publikacijama koje se nalaze u relevantnim naučnim bazama podataka, pokazane nastavničke sposobnosti;
- b) vanredni profesor: proveden najmanje jedan izborni period u zvanju docenta, najmanje pet naučnih radova objavljenih u priznatim publikacijama koje se nalaze u relevantnim naučnim bazama podataka, objavljena knjiga, originalni stručni uspjeh kao što je projekt, patent ili originalni metod te uspješno mentorstvo najmanje jednog kandidata za stepen drugog ciklusa studija odnosno integrisanog ciklusa studija;
- c) redovni profesor: proveden najmanje jedan izborni period u zvanju vanrednog profesora, najmanje osam naučnih radova objavljenih u priznatim publikacijama koje se nalaze u relevantnim naučnim bazama podataka, najmanje dvije objavljene knjige, te uspješno mentorstvo najmanje po jednog kandidata za stepen drugog odnosno integrisanog ciklusa studija i trećeg ciklusa studija.

Za poziciju 1. uslov je doktorat hemijskih nauka.

Kandidati su uz prijavu (potpisanu od strane kandidata) dužni dostaviti:

- a) biografiju (CV) i spisak objavljenih naučnih/umjetničkih radova, programe javno predstavljenih projekata, patenata ili originalnih metoda iz oblasti za koju se vrši izbor (printana i elektronska forma)
- b) diplomu i drugu dokumentaciju o stečenom zvanju (ovjerena kopija)
- c) uvjerenje o državljanstvu (original ili ovjerenu kopiju)
- d) listu objavljenih knjiga, udžbenika i naučnih radova, kao i same radove (ukoliko iste posjeduje)
- e) podatke o nagradama i priznanjima u vezi sa odgovarajućom naučnom oblasti (ukoliko iste posjeduje)
- f) dokaz o uspješno obavljenom mentorstvu kod izbora u odgovarajuće akademsko zvanje (Dokaz o tri naučna rada kao ekvivalent za opravdano izostalo mentorstvo u slučajevima opravdanim u članu 158. stav 3. Statuta Univerziteta u Sarajevu)- za izbor u zvanje vanrednog i redovnog profesora.

Postupak izbora akademskog osoblja, odredbe o značenju pojmova, načinu vrednovanja prilikom izbora u zvanje, kao i ostali bitni elementi za izbor u zvanje, navedeni su u Zakonu o visokom obrazovanju Kantona Sarajevo i u Statutu Univerziteta u Sarajevu.

Konkurs je otvoren **petnaest (15) dana** od dana objavljivanja.

Kandidati su dužni u svojoj prijavi naznačiti poziciju i zvanje za koje se prijavljuju, u suprotnom takva prijava će se smatrati nepotpunom.

Prijave sa potpunom dokumentacijom se dostavljaju na adresu Farmaceutskog fakulteta u Sarajevu, ul. Zmaja od Bosne broj 8 putem pošte ili direktno na Protokol Fakulteta.

Dostavljena dokumentacija se ne vraća.

Nepotpune i neblagovremene prijave se neće uzeti u razmatranje.